

785-09-24 od 02.09.2024.

Terms of reference za provedbu follow-up istraživanja u okviru projekta University and Gender Mainstreaming (UNIGEM) u BiH, Crnoj Gori, Hrvatskoj i Srbiji

Uvod

TPO Fondacija objavljuje Poziv agencijam za društvena istraživanja u okviru projekta University and Gender Mainstreaming (UNIGEM) da dostave ponude.

TPO Fondacija (Transkulturalna psihosocijalna obrazovna fondacija) zagovara rodnu ravnopravnost, dijalog i izgradnju mira kroz partnersko djelovanje civilnog društva, akademskih i vladinih institucija. Također, zastupa slobodu savjesti i misli bez obzira na bilo koji identitet i afilijaciju.

U premoštavanju jaza između akademskog i aktivističkog, vladinog i nevladinog sektora te religijskih i nereligijskih svjetonazora, TPO je jedna od vodećih organizacija u inkluzivnim pristupima obrazovanju za mir, ravnopravnost i liderstvu.

Kao lokalna nevladina organizacija, TPO djeluje od 2006. godine, i to na teritoriju cijele BiH. Rad TPO Fondacije se uglavnom fokusira na mlade i žene, jer su to dvije grupe koje su marginalizirane u našem društvu i njihovo učešće u javnom životu i zastupljenost na mjestima odlučivanja treba podršku kroz različite vidove afirmativnih akcija i aktivnosti.

CILJ

TPO Fondacija raspisuje Poziv za potrebe provođenja follow-up istraživanja, kvalitativne i kvantitativne analize rezultata koje će se provesti na svim partnerskim univerzitetima, s kojima TPO Fondacija saraduje u sklopu projekta *University and Gender Mainstreaming (UNIGEM)*, za uvođenje rodne perspektive i razvoj politika i programa za rodnu ravnopravnost u njihov akademski i administrativni aspekt rada.

Istraživanje u sklopu projekta UNIGEM treba da obuhvati pregled rodnih politika u Crnoj Gori, Bosni i Hercegovini, Hrvatskoj i Srbiji, mjere koje su fokusirane na zaštitu rodne ravnopravnosti, percepcije i stavove o rodnoj ravnopravnosti i seksualnom uznemiravanju, kao i poznavanje pojmova relevantnih za ove oblasti.

USLOVI

Agencija za istraživanje treba zadovoljavati sljedeće uslove:

- Kapacitet za planiranje i provođenje regionalnih društvenih istraživanja (Srbija, Hrvatska, Crna Gora, Bosna i Hercegovina)
- Iskustvo u provođenju istraživanja vezanih za teme rodne ravnopravnosti i/ili seksualnog uznemiravanja
- Iskustvo u vršenju istraživanja na univerzitetima i/ili visokoškolskim ustanovama
- Kapacitet za provođenje online istraživanja
- Kapacitet za rad sa velikim uzorkom ispitanika
- Mogućnost samostalne obrade, analize i interpretacije rezultata istraživanja (deskriptivna statistika koja uključuje analizu relativnih frekvencija u vidu postotka, mjere centralne tendencije kao što su aritmetička sredina, modus i medijana), mjere varijabilnosti (varijansa, standardna devijacija) te inferencijalna statistika (u zavisnosti od normalnosti distribucije podataka -parametarski ili neparametarski testovi)
- Kapacitet/reputacija u poštivanju rigoroznih etičkih standarda u provođenju društvenih istraživanja, posebno kada su u pitanju teme rodne ravnopravnosti i/ili seksualnog uznemiravanja
- Kapacitet za realizaciju regionalnih istraživanja u skladu sa nacionalnim zakonskim propisima država u kojima će istraživanje biti realizirano (Srbija, Hrvatska, Crna Gora i Bosna i Hercegovina), i iskustvo provođenja istraživanja u ovoj regiji.

Agencija za istraživanje treba:

- pripremiti probabilistički uzorak uz interval pouzdanosti od 95% i okvir za istraživanje na terenu (19 univerziteta u BiH, Hrvatskoj, Srbiji i Crnoj Gori)
- prema potrebi i u dogovoru sa ponuđačem prilagoditi upitnike za anketu.
- pripremiti provedbu ankete i upitnika, kao i prateću dokumentaciju (upute za anketare)
- nadzirati provođenje ankete i osigurati kontrolu kvalitete
- osigurati program za unos podataka, nadzirati bazu podataka projekta i organizirati unos podataka

- analizirati nalaze istraživanja prema varijablama spola i roda, dobi, etničke i religijske pripadnosti, nivou obrazovanja, studijskoj godini za studente i radnom mjestu za nastavnike, prema univerzitetima i fakultetima, prema zemljama u kojima se univerziteti nalaze i drugo po dogovoru) kao i uporednu analizu određenih segmenata istraživanja sa podacima iz početnog istraživanja.
- i dostaviti analizirane podatke, otvorenu bazu podataka i kompletnu dokumentaciju istraživanja.

PRIJAVA

Ponudu treba dostaviti na b/h/s jeziku i obavezno treba sadržavati:

- podatke za kontakt (ime i prezime, adresu, broj telefona),
- uslugu obavljanja ankete na uzorcima od 3000 ispitanika
- rok izrade dokumenta
- cijenu usluge, izraženu u bruto iznosu za navedene brojeve ispitanika u konvertibilnim markama.

ROKOVI

Odabrani agencija će trebati do 25.09.2024. godine dostaviti metodologiju izrade dokumenta. Krajnji rok za dostavu prve radne verzije rezultata ankete je do 15.11.2024. godine. Finalnu verziju je potrebno dostaviti do 30.11.2024. godine

OBAVEZE TPO FONDACIJE:

- Pružanje logističke podrške za potrebe izrade istraživanja o rodnoj ravnopravnosti u visokom obrazovanju
- Pružanje potrebnih informacija u vezi s istraživačkom metodologijom i potrebne dokumentacije na zahtjev agencije za istraživanja, ako TPO Fondacija bude u mogućnosti dostaviti ih
- Pregled i finaliziranje radne verzije te komunikacija s agencijom za istraživanje
- Isplata dogovorenog iznosa sredstava će se vršiti u skladu s administrativnim procedurama TPO fondacije i zakonom Bosne i Hercegovine.

Izrada navedenog dokumenta jedna je od aktivnosti koju provodi TPO Fondacija u sklopu projekta „University and Gender Mainstreaming (UNIGEM)” koji podržava Vlada Ujedinjenog Kraljevstva.

Molimo potencijalne agencije da svoju prijavu dostave najkasnije do 18.09.2024. godine na e-adresu tpo@tpofond.org Također, možete kontaktirati TPO Fondaciju za sva dodatna pitanja na telefon 033-663350.